

non habeatur. In tantum autem est nobilis civitas illa, quod est quasi incredibile de hiis quæ illic habentur, hæc enim multum bene est posita atque sita. Nam quasi totus mundus pro mercimoniis illi correspondet civitati.¹ De hac volunt dicere Christiani quod ex ista civitate plura recipit imperator ille quam rex Franciæ habeat de toto suo regno. Penes hanc civitatem est unus mons salinus magnam copium salis toti exhibens civitati. De hoc sale unusquisque accipit tantum quantum vult et petit et nichil alicui solvendo. In hac civitate multi Christiani cuiuslibet generationis² commorantur, quibus ipsi Saraceni in omnibus dominantur, multa autem alia sunt in ista civitate quæ nimis longum foret aliis enarrare. Ab hac civitate Thauris recedens ivi per decem³ dietas ad quamdam civitatem que vocatur Soldonia.⁴ In hac civitate tempore estivo moratur imperator Persarum. In yeme autem vadit ad quamdam contratam⁵ que est super mare quod vocatur mare Bachuc.⁶ Hæc civitas magna terra est et frigida, in se habens bonas aquas, ad quam civitatem portantur multa et magna mercimonia, quæ illic venduntur.

3. *De Civitate Magorum; De Mari Arenoso, et Terrâ Huz.*

De hac civitate recedens cum caravanis et⁷ cum quadam societate ivi versus Indiam Superiorem, ad quam dum sic irem per multas dietas applicui ad unam civitatem trium magorum que vocatur Cassan,⁸ civitatem regalem et magni honoris; verumptamen Tartari eam multum destruxerunt, hec civitas multum habundat pane et vino et multis aliis bonis. Ab hac civitate usque Iherusalem quo magi iverunt non virtute humana sed virtute divina et miraculose cum sic cito iverint, sunt bene quinquaginta dietæ. Multa autem alia sunt in hac civitate quæ non multum expedit enarrare.⁹ Inde recedens ivi ad quamdam civitatem nomine Gest¹⁰ a qua distat mare arenosum per unam dietam, quod mare est valde periculosum et mirabile. In hac civitate Gest est copia maxima victualium et omnium aliorum bonorum quæ jam dici possent: potissime autem ficuum illic copia maxima reperitur; uvæ autem siccæ et virides ut herba, et multum minutæ illic reperiuntur uberior et abundantius quam in aliqua parte mundi. Hæc est tertia melior¹¹ civitas quam Persarum imperator possideat in toto suo regno. De hac dicunt Saraceni quod in ea nullus Christianus ultra annum vivere umquam valet.¹² Multa autem alia illic habentur. Ab hac recedens et transiens per multas civitates et terras ivi ad quamdam civitatem nomine Conium,¹³

¹ *Hak. and Mus. instead of the last three words confluere potest.*

² *Mus. has de omni natione.*

³ *Far. has 14.*

⁴ *Ut., Hak. Soldania; Far. Solonia; Bol. Soldolina; Marc, Soldonia.*

⁵ *Bol. alone has quæ vocatur Axam.*

⁶ *Ven. Bachac; Ut. and Ram. Bacud; Far. Abachuc; Hak. and Mus. Bakuc; Bol. Abacut, and applies the next sentence to the city on that sea; hæc magna est et calida; Marc. Bacuch.*

⁷ *Should be id est as in Ven., who has haravanis. Hak. cum quadam societate caravanorum; Bol. quadam soc. Tartarorum.*

⁸ *Ven. Cassam; Far. Casim; Hak., Mus. Cassan; Bol. Casan.*

⁹ *Bol. quæ scribere non curavi. Hak. multa mirabilia quæ pertranseo.*

¹⁰ *Far. Iese, perhaps Iesd; Ven., Hak., Mus. and Bol. Gest.*

¹¹ *Bol. de melioribus simply.*

¹² *Far. omits ultra annum.*

¹³ *Sic in Ven.; in Hak. and Ut. Comum; in Mus. Comam; in Far. Come-*